

ԽՈՐՀՐԴԱՐԱՆԱԿԱՆ ԼՍՈՒՄՆԵՐ

ՄԻԽԵԻԼ ԲԱՏԻԱՇՎԻԼԻ. «ՈՒՈՐՏՈՒՄ ԾՐԱԳՐՎՈՒՄ ԵՆ ՀԱՄԱԽԻՐ ԲԱՐԵՓՈՒՄՆԵՐ»

(Սկզբը՝ 1-ին էջում)

Ըստ Միխեիլ Բատիաշվիլու, արդեն սեպտեմբերից ավելանալու է մանկավարժների աշխատավարձը: Նրա պարզաբանմամբ, դպրոցի բարեփոխման հիմնական սկզբունքներն են. դպրոցի ուժեղացումը, ինքնավարությունը և ապակենտրոնացումը, դպրոցի

տնօրենը՝ ինչպես լիդեր և ստեղծագործող հարցերի վրա կողմնորոշված մանկավարժ:

Նախարարի խոսքով, մանկավարժները պետք է ավելի քիչ ժամանակ ծախսեն թղթաբանության վրա և մեծ ժամանակ պետք է ծախսեն ստեղծագործողական աշխատանքների վրա: Նրա խոսքով, բոլոր ու-

սուցիչները պետք է հնարավորություն ունենան հանձնել քննություն և բարձրացնել իրենց արհեստավարժությունը:

Միխեիլ Բատիաշվիլին անդրադարձավ նաև բարձրագույն կրթության համակարգի ֆինանսավորման նոր մոդելին՝ նշելով, որ գործող մոդելը արդյունավետ չէ, նախարարությունը

նր Զամաշխարհային բանկի հետ աշխատում է նոր մոդելի վրա, հավելելով, որ հաջորդ տարի նախատեսվում է նաև չեղարկել անվճար ֆակուլտետները:

Խորհրդարանականների հետ հանդիպմանը կրթության և գիտության նախարարը պատասխանեց պատգամավորների առաջադրած հարցերին:

ՇՆՈՐՀԱՎՈՐՈՒՄ ԵՆՔ ԶԵՉ, ԹԵՐԵՉԱ

Ստորև ձեր ուշադրության ենք ներկայացնում Ախալքալաքի մունիցիպալիտետի մի շարք հանրային դպրոցների կոլեկտիվների կողմից թերթի խմբագրությանը հղած, մունիցիպալիտետի հանրակրթական ռեսուրս-կենտրոնի ղեկավար Թերեզա Զիվչյանի ծննդյան տարեդարձին նվիրված նամակը:

Մի առիթով Մեծն Թունամյանն ասել է. «Ոչ մի պաշտոն կամ կոչում չկա, որ հավասար լինի և կարելի լինի համեմատել մարդ կոչումի հետ»:

Ասվածը, հիրավի, հարիր է Ախալքալաքի ռեսուրս-կենտրոնի պետ Թերեզա Զիվչյանին: Իր գործին նվիրված մի անձնավորության, որն ունի վեհ գաղափարներ և օժտված է առաքինի հատկանիշներով՝ մարդասեր է, ազնիվ, անկողմնակալ, պահանջուր, ունի նուրբ, քնքուշ սիրտ և իր մարդկային հմայքով՝ արժանի բանաստեղծի պատկերավոր տողերին.

«Ինչքան գեղեցիկ, ինչքան չքնաղ է Աղջիկն այս քնքուշ՝ Տիրամոր տեսքով,

Չանց ծագող արև՝ դեմքը շարմաղ է, Շողը փշիչ է՝ վարար լույսերով...»:

Ախալքալաքի հանրային դպրոցների տնօրենները գեղեցիկ անակնկալ նվիրեցին Թերեզային. իր ծննդյան օրվա առթիվ կազմակերպեցին երեկույթ՝ մաղթելով նրան անսահման սեր, անսպառ երջանկություն, բեղմնավոր աշխատանք և նորանոր բարձունքներ... Ծնունդը շնորհավոր, մեր սիրելի Թերեզա...

«Վրաստան» թերթը միանում է այդ շնորհավորանքներին և ընդգծում, որ Ձեր շնորհիվ, Թերեզա, բարի մարդկային հատկանիշների, հանդուրժող բնավորությանը և, իհարկե, ստեղծագործական մտքի, Ձեր գործունեության երեք տարիների ընթացքում, կարողացաք արժանանալ մունիցիպալիտետի դպրոցների կոլեկտիվների, աշակերտների և ծնողների սիրուն ու հարգանքին: Ցանկանում ենք նորանոր հաջողություններ Ձեր շնորհակալ աշխատանքում, առողջություն և անձնական երջանկություն:



ԴՊՐՈՅՆԵՐՈՒՄ ՎԵՐԱՅՎԵՅԻՆ ԱՎԱՐՏԱԿԱՆ ՔՆՆՈՒԹՅՈՒՆՆԵՐԸ ՈՐ ԴԵՊՔՈՒՄ ԿՏՐԱՄԱՐՎԻ ՄԻՋՆԱԿԱՐԳ ԿՐԹՈՒԹՅԱՆ ԱՏԵՍՏՍ



Վրաստանի կրթության, գիտության, մշակույթի և սպորտի նախարարության կողմից վերջերս իրականացվող բարեփոխումների շրջանակներում, վերացվել են միջնակարգ կրթության ատեստատի համար անցկացվող ավարտական քննությունները: Նախարարության մեկնաբանությամբ՝ այդ որոշումը կնպաստի ուժեղ, ինքնուրույն դպրոցի կայացման միջոցով ուսման որակի բարձրացմանը: Ստորև ներկայացնենք հարցի հետ կապված որոշ պարզաբանումներ:

Ըստ փոփոխության որպեսզի աշակերտը ստանա միջնակարգ կրթության ատեստատ, Ազգային ուսումնական ծրագրով 12-րդ դասարանի համար նախատեսված բոլոր առարկաներից պիտի ունենա դրական գնահատում, 5 կամ 5-ից ավելի միավոր:

Այն աշակերտները, որոնք նախորդ տարիներին կտրվել են ավարտական քննություններից կամ տարբեր պատճառներով չեն ներկայացել քննությանը, կարող են ստանալ ատեստատ, եթե Ազգային ուսումնական ծրագրով 12-րդ դասարանի համար նախատեսված բոլոր առարկաներից ունեն դրական գնահատում, 5 կամ 5-ից ավելի միավոր:

Դասարանի հաղթահարման կամ բացակայությունների պատճառով դրսևելության (էքստենս) ձևով քննություն-

ները հաջողությամբ հանձնելու դեպքում, աշակերտները կարող են ստանալ ատեստատ, եթե Ազգային ուսումնական ծրագրով 12-րդ դասարանի համար նախատեսված բոլոր առարկաներից ունեն դրական գնահատում, 5 կամ 5-ից ավելի միավոր:

Ընթացիկ ուսումնական տարվա շրջանավարտներն ու նրանք, ովքեր ձեռք կբերեն միջնակարգ կրթության ատեստատ, 2019 թվականին և հետագա տարիներին իրավունք կունենան գրանցվելու ինչպես մասնագիտական, այնպես էլ՝ բարձրագույն ուսումնական հաստատություններում սովորելու համար: Ատեստատներ կտրամադրվեն Շառայությունների զարգացման գործակալության կողմից՝ Օրենքում համապատասխան փոփոխությունների գոր-

ծարկումից հետո: Այդ մասին ավելի մանրամասն տեղեկություններ կիրատարակվեն մի փոքր ուշ:

Ընթացիկ տարվա դիմորդներին մեկ անգամ են հիշեցնենք, որ Միասնական ազգային քննությունների ձևաչափում 2018-2019 ուսումնական տարվա համար փոփոխություններ չեն նախատեսվում: Փոխվում է միայն այն կարգը, որով երկու կամ ավելի ընտրովի առարկա հանձնելու դեպքում, դրանցից մեկից կտրվելու կամ չներկայանալու պարագայում, դիմորդը կորցնում է դրամաշնորհի ստանալու հնարավորությունը:

ՎԱՐԻՆԵ ԱՆՈՒԿՅԱՆ
Վրաստանի կրթության, գիտության, մշակույթի և սպորտի նախարարության փորձագետ

ՄՇԱԿՈՒՅՑ

«ՈՒՉՈՒՄ ԵՔ ՀԱՎԱՏԱՅԵՔ, ՈՒՉՈՒՄ ԵՔ՝ ՈՉ, ԲԱՅՅՑ ԴԱՐԸ ԱՄԵՆ ԲԱՐԻ ԳՈՐԾԻ ՄԿԻՉԲ Է»

Ինչպես վարվել, ո՞րն է ճիշտը՝ մասնագիտություն ընտրել կյանքի՞ պահանջով, թե՞ սրտի թելադրանքով... Մարտահրավերներով լի մեր օրերում շատ դպրոցավարտների ծանր այս երկընտրանքը չընթանցեց նաև Անգելինա Նազարյանին, երբ նա, Թբիլիսիի «Մետրոստորյո» կոչվող թաղամասում, թիվ 110 դպրոցը ավարտելուց հետո, կանգնեց մեծ կյանքի շեմին: Անգելինան լռելիք լսեց ծնողների, մերձավորների խորհուրդները և մի գեղեցիկ առավոտ արթնացավ նրանց զարմացնող, հաստատ վճիռով... «Չնեղացնելով» ո՛չ կյանքին, ո՛չ սրտին՝ որոշեց միաժամանակ ձեռք բերել երկու մասնագիտություն՝ ատամնաբույժի և պարուսույցի: Սրտի ծայրով դարձավ Գյումրիի «Աղասի Շարոյանի անվան» պարարվեստի ուսումնարանի հեռակա բաժնի ուսանող, իսկ կյանքի թելադրանքով ընդունվեց Թբիլիսիի «Vita» բժշկական համալսարանի ատամնաբուժական ֆակուլտետը:

Այսօր, Թբիլիսիի թիվ 98 և 103 դպրոցներին կից, մայրաքաղաքում և երկրում քաջածանոթ, «Անի» մանկա-պատանեկան պարային համույթի ղեկավար Անգելինա Նազարյանը մեր հյուրն է:

- Լավ գիտե՞նալով Ձեր կենսագրությունը՝ անհնար է չասել, որ ժամանակին կայացրել եք համարձակ որոշում՝ նախընտրությունը տալով պարարվեստին այն պարագայում, երբ ատամնաբույժի գործն ավելի եկամտաբեր է...

- Գուցե ջահելությունն էր համարձակություն տվողը. բայց ինձ զարմանալիորեն չվախեցրեց երկու տարբեր ոլորտների մասնագիտություններ ընտրելը: Ես խորհուրդ կտայի երիտասարդներին՝ օգտագործել երիտասարդության ոսկե շրջանը, նրանով իրենց տրված ներքին բոլոր ռեսուրսները և ձեռք բերել մի քանի մասնագիտություն, ինչը կյանքի մարտահրավերներին առանց տագնապի մայելու և դրանց դիմագրավելու հզոր գրավական է: Ինչ վերաբերում է անեկամտաբեր պարարվեստն ընտրելուն, ապա, գիտենք բոլորս, որ սրտի ձայնը չես լռեցնի...

- Անգելինա, «Անի» համույթն այսօր ակտիվ մասնակցեց և մայրաքաղաքի և, իհարկե, վիրահայ մշակութային կյանքի, երեկ դա միանգամից չի տրվում...

- Այո, «Անի» որոշակի ճանապարհ է անցել. պարափունքը հիմնադրվեց 2005-ին, և շուտով կլրանա «Անի» համույթի

գոյության 15-ամյակը: Այդ երկար տարիները փաստեցին մի ճշմարտություն. երբ բարի է նպատակը, հաջողությունը չի շրջանցում, չի դավաճանում քեզ: Պարուսույց դառնալու և ազգային պարը տարածելու գաղափարը ինձ հանգիստ չէր տալիս այն պահից, երբ, Երեւանում Զամահայկական խաղեր նախագծին Թբիլիսիի հավաքականի բասկետբոլի թիմի կազմում մասնակցելիս, պատահաբար, դիտեցի հեռավոր սփյուռքից ժամանած պարային համույթների ելույթները: Ես նախանձով էի նայում նրանց. այնքան սեր, ազգային ավանդույթների հանդեպ հարգանք, եթե ուզում եք՝ նաև հայրենասիրություն կար նրանց պարում: Զակակցա, որ պարն էլ կարող է դառնալ ազգապահպանության արժանապատիվ ճանապարհ և հիմա, արդեն տասնյակ տարուց ավելի, փորձում եմ՝ նաև իմ գործով ծառայել այդ նպատակին: Ասեմ, որ, ի սկզբանե յոթ հոգանոց «Անի» պարափունքը, այսօր հասել է հիսունհինգ տարբեր տարիքի անդամ ունեցող համույթի:

- Արվեստն ինչ-որ տեղ մրցակցություն է, ունեցե՞լ եք մման զգացում, չե՞ որ ձեր կողքին կան Վրաստանի շրջաններում և

կոնկրետ Թբիլիսում գործող բազում պարային համույթներ, հենց մեր, հայկական «Ջերանը», «Վանքը», «Տարունը»...

- Ոչ, երբեք չեմ մտածել ու երբեկից չեմ մտածի իմ գործով ու արածով ինչ-որ մեկի հետ մրցելու մասին, թեկուզ նրա համար, որ այդ հոգեբանությունը կխանգարի աճի ու զարգացման պրոցեսին: Ամեն պարափունք, իմ կարծիքով, ունի իր ոճը, իր կարգավիճակը, նա պետք է ամբողջապես ինքն իրենով: Այդպես էլ «Անի» համույթը. նրա պարերը հեղինակային են կառուցված, առաջին հերթին, հայկական երաժշտության, հայկական պարարվեստին բնորոշ շարժումների հիմքով: Մեր խաղացանկում կան նաև վրացական, հունական, ասորական, քրդական... պարեր:

- Գոյության 14 տարիների ընթացքում ո՞րն եք համարում «Անի»-ի ամենամեծ հաջողությունը և՛ խաղացանկում նոր պարեր կունենա՞ք:

- Դանդաղված եմ, որ ամենամեծ հաջողությունը դեռ առջեւում է... Իսկ ընդհանրապես մեծ ձեռքբերումներ, ինչպես շա-



տերն են ասում, ունեցել ենք և մեծ ստիժն էլ ենք ստացել թե՛ Վրաստանում, թե՛ Զայաստանում, թե՛ Բուլղարիայում ունեցած հյուրախաղերից... 2016-ին, պարուններ Վան Բայբուրյանի և գործարար Սամվել Աղեկյանի աջակցությամբ, համույթը մասնակցեց Բուլղարիայի Վառնա և Ոսկի ավազներ քաղաքներում անցկացվող միջազգային «Բալկան ֆոլկ» (Բալկանյան ֆոլկլոր) փառատոնին: Նույն թվականին մասնակցեցին Թբիլիսիի «Ֆիստալոնիա-Ջորջիա» փառատոնին, ուր նվաճեցին երկրորդ մրցանակային տեղը: Մշտապես մրցանակներով ենք վերադարձել՝ հայաստանյան մշակութային տարբեր փառատոնների, նախագծերի մասնակցելիս: Իսկ հիմա պատրաստում ենք հայ ազգագրական ու ժողովրդական պարերի շարան և՛ վրացական «Աջարուլի», «Քարթուլի», «Կինտոներ» պարերը:

- Ցանկանում ենք Ձեզ անձնական և ստեղծագործական նոր հաջողություններ: Զրուցեց ՋՈՒԼԻԵՏԱ ԲԱՊՆԱՅԱՆԸ

ՀԱՐՑ - ՊԱՏՃԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԽՈՐՀՐԴԱՆԻՇ

ՆՈՐ ՏԱՐԻՆ ԴԻՍՎՈՐԵՑԻՆ... ՓԵՏՐՎԱՐԻ 5-ԻՆ

Լսել եմ, որ արեւելյան օրացույցով Նոր տարին դիմավորում են ոչ թե հունվարի 1-ին, այլ փետրվարի՝ այդ օրացույցով սահմանված օրը: Հետաքրքիր է 2019-ը, ըստ արեւելյան օրացույցի, երբ է մուտք գործելու:



Վ.Մուրադյան

Ախալպիխե

Փետրվարի 5-ի լույս գիշերը Չինաստանի բնակիչները, առյուծների ավանդական պարերով, տոնավաճառներով եւ թատերականացված բեմադրություններով, դիմավորեցին լուսնային տոնարով Նոր տարին (2019-ը, Գարնան տոն): Դեղին հողաբնակ խոզից ակնկալում են բարեկեցություն, հարստություն եւ բարգավաճում:

րում նաեւ տեղի է ունենում հոռակավոր, Պեկինում ամենամեծ, ամանորյա տոնավաճառը, որտեղ կարելի է գնել ձեռքագործ զանազան հուշանվերներ եւ համտեսել Չինաստանի՝ գործնականում բոլոր նահանգների կերակուրները: Չինաստանում համարվում է, որ Ամանորի առաջին հինգ օրերը նախատեսված են հանդիպումների համար: Ազգականները, ընկերները, ծառայակիցներն այցելում եւ շնորհավորում են միմյանց, տալիս նվերներ: Ամանորյա տոնակատարությունները կավարտվեն Լապտերների տոնից (Յանսյաոցե կամ Դենցզե) հետո՝ լուսնի տոնարով առաջին ամսի 15-րդ օրը: Չինաստանում պաշտոնական ամանորյա տոները կտեսնեն մինչեւ փետրվարի 10-ը:

Ավանդաբար ամենաընդգրկուն եւ դիտարժան միջոցառումները կայացել են Չինաստանի մայրաքաղաքի հյուսիսում գտնվող Երկրի տաճարում: Փետրվարի 5-ի վաղ առավոտյան արտիստները կատարել են վառ եւ ազդու «առյուծների պարը», որն սկիզբ է առնում XIV-XVI դարերի Չուցզեի ժամանակներից եւ կոչված է՝ վախեցնելու բոլոր չար ուժերին: Երկրի տաճարում

ՎԻՃԱԿԱԳՐՈՒԹՅՈՒՆ

ՅՈՒՐԱՔԱՆՉՅՈՒՐ ԵՐՐՈՐԴ ԴՊՐՈՑԱԿԱՆ ԾԱՂՐԱՆՔԻ ԶՈՐ Է ԴԱՌՆՈՒՄ



Վերջին ժամանակներում շատ են գրում ու խոսում դպրոցներում տիրող բարքերի, երեխաների նկատմամբ բռնության ու ծաղրանքի փաստերի մասին: Հավանաբար, նման հակոտնյա երեւույթները բնորոշ են նաեւ մյուս

երկրների կրթօջառներին: Այդ ուղղությամբ ուսումնասիրություններ արվել են եւ, եթե այդ ապա ի՞նչ արդյունքների են հանգել:

ԹՐԻԽԻՍ

Աշխարհում յուրաքանչյուր երրորդ դպրոցականը հոգեբանական եւ ֆիզիկական բռնության է ենթարկվում ամսական թեկուզեւ մեկ անգամ: Այդ մասին ասված է ՅՈՒՆԵՍԿՕ-ի՝ այս խնդրին նվիրված զեկույցում: «Աշակերտների գրեթե մեկ երրորդը՝ 32 տոկոսը, դպրոցում հասակակիցների ծաղր ու ծանակին է ենթարկվում ամսական գոնե մեկ անգամ», ասված է փաստաթղթում, որը պատրաստվել է աշխարհի 144 երկրներից ստացված տվյալների հիման վրա: Ձեկույցի տվյալներով՝ «բոլոր տարածաշրջաններում, բացառությամբ Եվրոպայի եւ Կարիբյան ծաղրանքի, ֆիզիկական ծանակը ծաղրանքներից առավել տարածված է, իսկ սեռական ծանակը՝ տարածվածությամբ երկրորդ տեսակը»:

Եվրոպայում եւ Կարիբյան ծաղրանքի հոգեբանական ծաղրանքներն առավել տարածվածներն են, իսկ կիրքերուլիզի (ծաղրանքներ սոցիալական ցանցերի եւ ամբողջությամբ վերցված համացանցի միջոցով) է ենթարկվում առնվազն յուրաքանչյուր տասներորդ դպրոցական: Նշվում է, որ աշակերտների ավելի քան մեկ երրորդը (36 տոկոս) մասնակցում է ծեծկռտոցների, գրեթե յուրաքանչյուր երրորդը (32,4 տոկոս) 2018 թվականին, թեկուզեւ մեկ անգամ, ենթարկվել է ֆիզիկական հարձակման: ՅՈՒՆԵՍԿՕ-ն հիշեցնում է, որ «մարմնական պատիժները, որոնք ֆիզիկական բռնության ձեւերից մեկն են, առաջվա պես թուլատրված են 68 երկրում եւ հաճախակի են կիրառվում այդ երկրներից շատերում»:

Վ.Սրեփանյան

ՀՈԳԵԲԱՆԵԱԿԱՆ

ԵՐԵՒԱՆ ԶԱՄԱՑԱՆՑՈՒՄ Է. ԻՆՉ ԱՆԵԼ ՄԱԿ Մանկական հիմնադրամի հաշվետվությունը

ՄԱԿ Մանկական հիմնադրամի՝ «Երեխաների վիճակն աշխարհում. երեխաները թվային աշխարհում» հաշվետվության համաձայն՝ համացանցի յուրաքանչյուր երրորդ օգտատերը երեխա է, եւ թվային աշխարհի վտանգներից նրան չեն կարող հարկ եղած չափով պաշտպանել ո՛չ պետությունը, ո՛չ հարազատ ընտանիքը: Ինչպե՞ս են թվային տեխնոլոգիաները փոխել երեխաների կյանքը, եւ այդ կապակցությամբ ի՞նչ է մեզ սպասվում ապագայում:



Երեխաները այնպիսով զբաղվում են թրիխայան բակերից մեկում:

Թվեր եւ վիճակագրություն

* Զամացանցի յուրաքանչյուր երրորդ օգտատերը երեխա է: * 15-24 տարեկան տարիքային խումբը համացանցում ամենակտիվն է: * Այդ տարիքային խմբի 71 տոկոսն ակտիվ օգտատերեր են այն դեպքում, երբ աշխարհի ամբողջ բնակչության համար այդ ցուցանիշը կազմում է 48 տոկոս: * Ընդ որում, երիտասարդության 29%-ի կամ 346 մլն երիտասարդների համար, համացանցն անհասանելի է:

Արդյոք համացանցը վնասակա՞ր է երեխաների համար

Ընդհակառակը: Զաշվետվության հեղինակները համարում են, որ համացանցը պետք է հասանելի լինի բոլոր երեխաներին, քանի որ ժամանակակից աշխարհում համացանցը ուսման, հաղորդակցման եւ ինքնաարտահայտման անսահման հնարավորություններ է պարունակում: Զաշվետվության համաձայն՝ թվային տեխնոլոգիաների դարաշրջանն արդեն սկսվել է, եւ դա անդամակալի գործընթաց է, որին ի վիճակի չէ դիմակայելու ո՛չ պետությունը, ո՛չ ծնողները, ո՛չ էլ ոչ կառավարական հատվածը:

Ի՞նչ օգուտ երեխաներին գրքալ ցանցում

Ե՛իշտ օգտագործման դեպքում համացանցը զգալիորեն փոխում է այն երեխաների կյանքը, որոնք խտրականության են ենթարկվում ռասայական, կրոնական, գենդերային կամ ազգային հատկանիշով, ապրում են աղքատ

տության մեջ, բռնի տեղահանված անձինք են, սահմանափակ կարողություններով անձինք են կամ ապրում են աշխարհագրորեն դժվար հասանելի վայրում: Թվային տեխնոլոգիաների շնորհիվ՝ այդպիսի երեխաները կարող են իրենց աշխարհի մի մաս զգալ: Այդ պատճառով էլ համացանցից օգտվելու հնարավորություն պետք է ունենան բոլոր երեխաները, քանի որ դրանից զրկված երեխաները մյուսների հետ անհավասար պայմաններում են գտնվում:

Վտանգները, որոնք սպառնում են երեխաներին գլոբալ ցանցում

«Բազում բարիքներին զուգահեռ, համացանցը նաեւ բազում վտանգներ է պարունակում», - նախազգուշացնում են հաշվետվության հեղինակները: Զամացանցում չարագործները հեշտությամբ երեխաների հետ կապ են հաստատում անանուն էջի միջոցով, նրանց մոտ որեւէ կասկածներ չառաջացնելով: Նրանք երեխաներին սեռական կապ կամ այլ վտանգավոր կապեր են պարտադրում: Զաճախ գրանցվում են երեխաների ծայրահեղացման կամ անառողջ եւ վտանգավոր արարքների դրդելու փորձեր: Բացի այդ, համացանցում երեխաներին հեշտությամբ կարող են համոզել մյուսեր, որոնց բովանդակությունը կարող է վնաս հասցնել նրանց չամրապնդված հոգեկանին: Դրանք կարող են լինել սեռական, պոռնոգրաֆիկական բնույթի լուսանկարներ եւ տեսագրություններ, որոնք բռնու-

թյան տեսարաններ են պարունակում, անցանկալի գովազդ, ռասիստական կամ այլ խտրական հայտարարություններ, անառողջ գործողություններ, օրինակ, ինքնախարազանում կամ անորենքիա խրախուսող գործողություններ կամ անգամ՝ ինքնասպանության դրդող կայքեր:

Ի՞նչ է արվում, անվտանգության ապահովման համար, Վրաստանում

Վրաստանում կանոնակարգ է գործում, որը պաշտպանում է սպառողների իրավունքներն ու օրինական շահերը հաղորդակցության ոլորտում: Կանոնակարգի համաձայն՝ համացանցի փրովայները, վեբ-կայքերի սեփականատերերը պարտավոր են օգտատերերին պաշտպանել «վնասակար տեղեկատվության ստացումից»: Սակայն, իրականում, այդ կարգավորումը փաստացի չի աշխատում: Այսօր Վրաստանում համացանցից օգտվող երեխաները ոչ մի կերպ պաշտպանված չեն գլոբալ ցանցի վտանգներից: Երկրի խորհրդարանը նոր օրինագիծ է մշակում՝ համացանցային տիրույթը վտանգ ներկայացնող տեղեկատվությունից պաշտպանելու համար: Սակայն շատերը նման կարգավորումներին թերահավատորեն են վերաբերվում, քանի որ թույլ ժողովրդավարություն ունեցող երկրներում, ինչպիսին է Վրաստանը, այդպիսի սահմանափակումները կարող են առիթ դառնալ խոսքի ազատության սահմանափակման, գրաքննության կիրառման համար:

ԹԵՎԱՎՈՐ ՄՏՔԵՐ

Բոլորն այժմ կարդալ գիտեն, ուրեմն փառք «Կարդացածը հասկացողին...»: **Պ.ՍԵՎԿԿ (1924-1971)** **Չայ ականավոր բանաստեղծ** Ինքն իրենից դժգոհությունը խելացի կյանքի անհրաժեշտ պայմանն է: Միայն այս անբավականությունն է մարդուն մղում ինքնակատարելագործման: **ԼԵՎ ՏՈՒՍՏՅՈՅ (1828-1910)**

Ռուս գրող Ամենալավ բարձր մաքուր խիղճն է... **Չ.ԻՐՍԵՆ (1828-1906)** **Նորվեգացի դրամատուրգ** Ապրում ես, ըստ էության, այն ժամանակ, երբ օգտվում ես ուրիշների բարեհաճությունից: **Ի.ԳՅՈՒԹԵ (1749-1832)** **Գերմանացի քնարերգու** Մարդկանց փոխելու համար՝ հարկավոր է սիրել նրանց: Նրանց

վրա ներգործելը համաժամանակաբար է նրանց նկատմամբ սիրում: **Ի.ՊԵՏՍՆԱԿՈՅԻ (1746-1827)** **Շվեյցարացի մանկավարժ** Եթե քո գրութն այնքան են լցնում՝ ինչպես են քեզ արձան կանգնեցրել, ուրեմն, դու արդեն մեծություն ես քո կենդանության օրոք: **Վ.ՄԿՐՅՉՅԱՆ «Վրաստանի» ընթերցող**



ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ԿԱՌԱՎԱՐՈՒԹՅԱՆ ԾՐԱԳՐՈՎ ԱՇԴԱՐԱՐՎԵՅ ՏՆՏԵՍԱԿԱՆ ՀԵՂԱՓՈԽՈՒԹՅԱՆ ՄԵԿՆԱՐԿԸ

(Սկիզբը՝ 1-ին էջում)

Այս նպատակին հասնելու համար առանցքային նշանակություն ունեն Պայաստանի արտաքին և ներքին անվտանգության ապահովումը, Արցախի անվտանգության երաշխավորումը և շարունակական ամրապնդումը, մարդու իրավունքների պաշտպանվածությունը, ժողովրդավարությունը, ժողովրդավարական ինստիտուտների զարգացումը, իրավունքի գերակայությունը, հայության մարդկային, տնտեսական, ֆինանսական, մտավոր ներուժի Պայաստանի զարգացման նպատակի շուրջ համախմբումը:

Որպես առաջնահերթություններ ծրագրում նշված են նաև երկրի կառավարության հաշվետվողականությունն ու քափանցիկությունը, կոռուպցիայի հանրային մերժումը և կոռուպցիայից զերծ հանրությունը, քաղաքականության և բիզնեսի

գործնական տարանջատումը, տնտեսական գործունեության համընդհանուր հասանելիությունը, ներդրումային միջավայրի գրավչությունը, աշխատանքի և ներդրումների քաջալերումը, կրթության և առողջ ապրելակերպի քաջալերումը, աղքատության հաղթահարումը՝ աշխատանքի և կրթության միջոցով, պետական ծախսերի և գույքի կառավարման արդյունավետության բարձրացումը, ազգային փոքրամասնությունների իրավունքների պաշտպանությունը:

Առաջնահերթություններին զուգընթաց, ծրագրում թվարկված են նաև կառավարության խնդիրները:

Պայաստանի վարչապետ Նիկոլ Փաշինյանի համոզմամբ՝ երկրի կառավարության ծրագրի հաստատմամբ երկրում սկսվում է տնտեսական հեղափոխության փուլը:

- Մեր հայեցակարգային պատկերացման համար անկյունաքարային նշանա-

կություն ունի հետևյալը. մենք հռչակել ենք տնտեսական հեղափոխության հայեցակարգը, այս ծրագրով ազդարարում ենք տնտեսական հեղափոխության մեկնարկը՝ արձանագրելով, որ կառավարության գործառնությունը շարունակում է մնալ նույնպիսին, ինչպիսին Պայաստանում ոչ բռնի, թավշյա հեղափոխության գործառնությունն է՝ ստեղծել հնարավորություններ: Կառավարությունն իրեն համարում է այս գործընթացի կարևոր մասնակիցներից մեկը և պատրաստ է իր քայլերով քաղաքացիներին քաջալերել, որպեսզի նրանք օգտվեն այդ հնարավորություններից. կառավարության նիստում հայտարարեց ՀՀ վարչապետը:

Նրա խոսքով՝ մարդիկ պետք է հնարավորություն ունենան տեսնել, շոշափել այդ հնարավորությունները, որոնք կառավարությունը պետք է ապահովի կիրառման համապատասխան գործիքակազմով:

ԱՐՏԱԲՅՈՒՋԵՏԱՅԻՆ ՀԱՇՎՆԵՐԸ ՓԱԿԿԵՑԻՆ

Պայաստանի կառավարության որոշմամբ՝ պետական գերատեսչությունների բոլոր արտաբյուջետային հաշիվները կդադարեն գործել: Այդ մասին ասաց Պայաստանի ֆինանսների նախարար Ատոմ Ջանջուղազյանը:

- Կան մարմիններ, որոնք ունեն արտաբյուջետային, կան մարմիններ, որոնք չունեն: Հիմա նպատակն է, որպեսզի ունենանք միասնական մոտե-

ցում: Շրջանառության մեջ է դրվել օրենսդրական փաթեթ, որով կդադարեցվի արտաբյուջետային հաշիվներով շրջանառությունը, ինչը նշանակում

է, որ մենք գնում ենք եղած միջոցների համախմբման ոչ միայն ֆինանսական, այլև այլ ռեսուրսների, - ասաց Ջանջուղազյանը:

Նրա խոսքով՝ այդ մոտեցումը տարածվելու է նաև ուժային կառույցների վրա: Ըստ նախարարի միայն արտաբյուջետային մասով, պետբյուջեից տա-

րեկան հատկացվում է 29 մլրդ դրամ: «Նախագծերի փաթեթը շրջանառվում է, կառավարության առաջիկա միստերից մեկում այն կընդունվի և կուղարկվի Աժ: Ընթացիկ տարվա վրա որոշումը չի ազդի, այլ կգործի 2020 թվականի հունվարի 1-ից», - նշեց Ջանջուղազյանը:

ՔՆՆԱՐԿՎԵԼ ԵՆ ԲԱԳՐԱՏԱՇԵՆԻ ՆՈՐ ԿԱՄՐՋԻ ՆԱԽԱԳԾՄԱՆ ԵՎ ՇԻՆԱՐԱՐՈՒԹՅԱՆ ՀԵՏ ԿԱՊԿԱԾ ՀԱՐՑԵՐ



Տավուշի մարզի Բագրատաշեն գյուղական համայնքում կազմակերպվել էին հանրային լուծումներ՝ նվիրված Պայաստան-Վրաստան պետական սահմանի անցակետում Դեբեդ գետի վրա նոր կամրջի նախագծման և շինարարական աշխատանքներին:

Նի Գանապարհային դեպարտամենտի աշխատակիցներ, կամրջի նախագծման և շինարարական աշխատանքների մրցույթը շահած իրանական Tunnel Sadd Ariana ընկերության, շինաշխատանքների ինժեներական ծառայություններ մատուցող Soosung Engineering Co., Ltd. կազմակերպության ներկայացուցիչներ:

Քննարկման հիմնական նպատակն էր շահագրգիռ կողմերին, համայնքի բնակչությանը, գործընկերներին ներկա-

յացնել տվյալներ՝ շրջակա միջավայրի վրա ազդեցության նախնական գնահատման վերաբերյալ, ինչպես նաև՝ հաղորդել նախագծային ցուցանիշների մասին տեղեկատվություն: Tunnel Sadd Ariana ընկերության մասնագետները մանրամասն ներկայացրին ծրագիրը, շեշտադրումներ կատարվեցին բնապահպանական և սոցիալական հարցերի վրա, խոսվեց նախագծային՝ այս պահին առկա ցուցանիշների մասին:

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՓՈՓՈԽՈՒԹՅՈՒՆՆԵՐԻ ԵՐԿՈՒ ԵՎ ԱՎԵԼԻ ՄԵՔԵՆԱՆԵՐԻ ՆԵՐԿՐՄԱՆ ԴԵՊՔՈՒՄ

Նախորդ տարի Պայաստան է ներմուծվել 67 հազար 255, 2017 թվականին՝ 39 հազար 282, իսկ 2016-ին՝ 16 հազար 887 ավտոմեքենա: Հիմնականում ավտոմեքենաները ներմուծվել են Վրաստանից, ԱՄՆ-ից և Ճապոնիայից, որոնց ծագման երկրներն են Գերմանիան, Ճապոնիան, ԱՄՆ-ը և Կորեան:

Պայաստանի պետական տնտեսության կոմիտեի նախագահ Դավիթ Անանյանն անդրադարձավ երկու և ավելի ավ-

տոմեքենա ներկրողների դժգոհություններին, որոնք կապված էին հարկային դրույքաչափերի բարձր լինելու հետ:

Նա նշեց, որ, իրենց խոստմանը համապատասխան, արդեն լուծումներ են առաջարկել:

- Ավտոմեքենաների ներկրմամբ զբաղվող մեր հայրենակիցները բողոքում էին, մեզ հորդորում էին, որ մենք օրենսդրությունը փոխենք: Մենք խոստացանք քննարկում անցնել: Ստացված առաջարկի հիման վրա՝ ՊԵԿ-ի տեսակետը ներ-

կայացրեցինք կառավարությանը, որտեղ քննարկումների արդյունքում վերջնականացվեց երկու տարբերակ: Մոտ օրերս բարեփոխումների շրջանակում մենք այդ տարբերակը ներմուծելու ենք փոփոխությունների փաթեթում: Այն գործելու է հետընթաց, այսինքն՝ 2018 թվականի հուլիսի 1-ից, - ասաց Դավիթ Անանյանը:

ՈՐԲԵՐՏ ՔՈՉԱՐՅԱՆԸ ՄՆՈՒՄ Է ԿԱԼԱՆՔԻ ՏԱԿ

Պայաստանի վերաքննիչ դատարանը մերժեց Պայաստանի երկրորդ նախագահ Ռոբերտ Քոչարյանի պաշտպանների բողոքները, խափանման միջոցի վերաբերյալ առաջին ատյանի դատարանի որոշումը թողեց անփոփոխ. Քոչարյանը կմնա կալանքի տակ:

Հիշեցնենք, որ Երեւանի ընդհանուր իրավասության դատարանը հունվարի 18-ին որոշում էր կայացրել՝ բավարարել Պայաստանի երկրորդ նախագահ Ռոբերտ Քոչարյանի գործով վարույթ իրականացնող մարմնի միջնորդությունը՝ կալանքը երկու ամսով երկարաձգելու վերաբերյալ: Քոչարյանի պաշտպանները բողոք էին ներկայացրել առաջին ատյանի դատարանի՝ հունվարի 18-ի որոշման դեմ, որով բավարարվել է Հատուկ քնն-

չական ծառայության քննիչի միջնորդությունը՝ Ռոբերտ Քոչարյանին կալանքի տակ պահելու ժամկետը երկարացնելու վերաբերյալ և մերժվել՝ պաշտպանների միջնորդությունը Ռոբերտ Քոչարյանի նկատմամբ որպես խափանման միջոց ընտրված կալանքն այլընտրանքային խափանման միջոց գրավով փոխարինելու մասին:

2008 թվականի մարտի 1-2-ն ընկած ժամանակահատվածում Երեւան քաղա-

քում տեղի ունեցած իրադարձությունների վերաբերյալ քրեական գործով՝ Քոչարյանին մեղադրանք է առաջարկվել ՀՀ քրեական օրենսգրքի 300.1 հոդվածի 1-ին մասով այն բանի համար, որ նա այլ անձանց հետ նախնական համաձայնությամբ տապալել է Պայաստանի Հանրապետության սահմանադրական կարգը:



ԿԱՌԱՎԱՐՈՒԹՅԱՆ ՆՈՐ ԿԱՌՈՒՅՎԱԾՔԻ ՔՆՆԱՐԿՈՒՄՆԵՐԸ ԱՎԱՐՏՎԵՅԻՆ

Գործադիրն ավարտել է Հայաստանի կառավարության նոր կառուցվածքի շուրջ քննարկումները: Այդ մասին «Ֆեյսբուք»-ի իր էջում գրառում է կատարել ՀՀ վարչապետ Նիկոլ Փաշինյանը:

«Վերջնականորեն ավարտեցինք Հայաստանի կառավարության կառուցվածքի քննարկումները: Կլինի 12 նախարարություն: Վարչապետի աշխատակազմում կստեղծվի Սփյուռքի գործերի գլխավոր հանգնակարարի պաշտոն, ով կլինի վարչապետի ներկայացուցիչը Սփյուռքի հետ հարաբերություններում և վարչապետի անուսից կհամակարգի կառավարության աշխատանքները սփյուռքի հետ հարաբերություններում»,- գրել է ՀՀ վարչապետը:

ՆԵՐԿԱՅԱՎԵՅԻՆ ՆԱԽՈՐԳ ԱՄՍՆԵՐԻ ՆՎԱՃՈՒՄՆԵՐԸ

Հայաստանի վարչապետ Նիկոլ Փաշինյանը՝ երկրում տեղի ունեցած հեղափոխությանը հաջորդած ամիսների ընթացքում գրանցված կարեւորագույն նվաճումներից է համարում այն, որ Հայաստանն այժմ ժողովրդավարական երկիր է: Այս մասին նա ասել է Deutsche Welle-ի ռուսական ծառայությանը տված հարցազրույցում:

- Ամենակարևոր նվաճումն այն է, որ հիմա Հայաստանը ժողովրդավարական երկիր է: Հայաստանից արմատախիլ է արվել համակարգային կոռուպցիան, երկրում չկա տնտեսական մենաշնորհ: Բոլոր քաղաքացիները հավասար են օրենքի առաջ, ասել է Փաշինյանը:

Անդրադառնալով Մարտի 1-ի գործով դատավարությանը, որտեղ որպես մեղադրյալ է ներգրավված Հայաստանի երկրորդ նախագահ Ռոբերտ Քոչարյանը, վարչապետը նշեց, որ քննությունն ընթացիկ մեջ է: «Քրեական գործի քննությունը շարունակվում է: Թե ինչի այն կհանգեցնի, չեմ կարող ասել»,- ասել է վարչապետ Փաշինյանը:

«ՀՅՈՒՄՍ-ՀԱՐԱՎ» ԾՐԱԳՐՈՒՄ ԾԻՆԱՐԱՐԱԿԱՆ ԱՇԽԱՏԱՆՔՆԵՐԻ ՏՎԱԼԸ ԵՌԱՊԱՏՎՈՒՄ Է

Աշխատանքներ են տարվում հյուսիս-հարավ ավտոմայրուղու առաջին և երկրորդ տրանշներով նախատեսված շինարարական աշխատանքները նախատեսված ժամկետներում ավարտելու համար: Այդ մասին, կառավարության նիստից հետո, նշեց Հայաստանի տրանսպորտի, կապի և տեղեկատվական տեխնոլոգիաների նախարար Հակոբ Արշակյանը:

«Այն ծավալները, որոնցով առաջ էին գնում աշխատանքները, մեր գործուն քանքերի շնորհիվ, եռապարկվել են: Ի սկզբանե աշխատանքները շատ դանդաղ էին ընթացել, և պրոցեսը հետ էր ընկել մինչև կառավարության փոփոխությունը»,- ասաց նա:

ԱՊՐԻԼԻ 24-Ը՝ ՖՐԱՆՍԻԱՆ ՀՈՉԱՎԵՅ ՈՐՊԵՍ ՀԱՅՈՑ ԺԵՂԱՄՊԱՆՈՒԹՅԱՆ ՀԻՇԱՍՎԻ ՕՐ

Ֆրանսիայի նախագահ Էմանուել Մակրոնն ապրիլի 24-ը հայտարարել է Հայոց ցեղասպանության հիշատակի ազգային օր: Այս մասին նա հայտարարեց Փարիզում հայ համայնքի ամենամյա ընթերցի ժամանակ: «Ֆրանսիան գիտի, թե ինչպես առերեսվել պատմությանը: Այն առաջիններից էր, որ 1915թ. հայ ժողովրդի զանգվածային սպանություններն անվանեց ցեղասպություն - 2001թ. ձևաչեց օրենքի ուժով»,- ասաց Ֆրանսիայի նախագահը:


Նա ավելացրել է, որ ապրիլի 24-ը Հայոց ցեղասպանության հիշատակի օր հռչակելու գործընթացն ավարտին կհասցվի առաջիկա շաբաթների ընթացքում: Ֆրանսիայի հայկական կազմակերպությունների համակարգող խորհրդի հրավիրած ընթերցի Մակրոնը նաև հարգանքի փոքր մատուցեց աշխարհառջակ շանսոնյե Շառլ Ազնավուրի հիշատակին:

ԵԿԵՂԵՑԱԿԱՆ

10.02.2019. Բարեկենդան Առաջավորաց Պահոց

Հատուկ է միայն Հայ եկեղեցուն: Ակավում է Մեծ Պահոցի 3 շաբաթ առաջ: Պահանջվում է խիստ պահեցողություն: Հնուն, այդ օրերին թույլատրվել է միայն աղ ու հաց ուտել, արգելվել է սուրբ պատարագ մատուցել: Առաջավորաց Պահոցի խորհուրդը հեթանոսական ապականությունից մարդկային 5 զգայարանների սրբումն է:

ՓԵՏՐՎԱՐ



Ամենայն Հայոց Գարեգին Բ հայրապետի տնօրինությամբ Սուրբ Սարգիս զորավարի տունը հռչակվել է Երիտասարդների օրհնության օր:

Սր.Սարգիս Ջորավարի տունը Հայաստանում ընդունված է մշել ոչ միայն եկեղեցական ծեսով, աղոթքով, այլև ժողովրդական սովորույթներով, որը մեզանքում մկրտական ավանդություն է: Սր.Սարգիս զորավարը երիտասարդների արագահաս բարեխոսն է: Նրա միջնորդությամբ հրաշքներ են տեղի ունենում: Այդ օրը երիտասարդները աղոթում են Սր.Սարգիսին, որ իրենց աղոթքները հասցնի առ Աստված: Սր.Սարգիսը սիրո երազանքն իրականացնող Սուրբ է: Սր. Սարգիս մասին բազմաթիվ ավանդապատումներ կան:

Սր.Սարգիս տոնին նախորդող գիշերը երիտասարդներն աղի բլիթ են ուտում, որի հետ կապում են իրենց փեսացուի կամ հարսնացուի երազահայտնությունը: Այդ օրը հիշատակելի սովորություններից է՝ փոխհնդով մատուցարանը դնել տան տանիքին կամ պատշգամբին եւ սպասել Սր.Սարգիս զորավարի ծիու պայտի հետքին: Տոնի առթիվ՝ սիրահարված երիտասարդները միմյանց բացիկներ եւ քաղցրավենիք են մկրտում: Տոնի օրը, Սր.Սարգիս Ջորավարի անունը կրող եկեղեցիներում, մատուցվում է սուրբ պատարագ, որից հետո՝ կատարվում երիտասարդների օրհնության կարգ:

14.02.2019. Տեառնընդառաջ: Տոն քառասորյա Գալստեանն Քրիստոսի ի Տաճարն

Հայաստանյայց Առաքելական Սուրբ եկեղեցին Տեառնընդառաջը կամ 40-օրական Հիսուսի ընծայումը տաճարին տոնում է Աստվածահայտնությունից 40 օր հետո՝ փետրվարի 14-ին:

Ն.Ս.Օ.Տ.Տ. Գարեգին Բ Ամենայն Հայոց կաթողիկոսի տնօրինությամբ, արդեն մի քանի տարի է, ինչ, Տեառնընդառաջի պատարագից հետո, հայոց եկեղեցիներում տեղի է ունենում նորապսակների օրհնության կարգ:

15.02.2019. Հովման մարգարեի հիշատակության օր

16.02.2019. Երիտասարդների եւ սիրո բարեխոս Սուրբ Սարգիս զորավարի հիշատակության օր

ՍՐՈՐՏ

ՖՈՒՏԲՈԼ. ՖԻՖԱ-Ն ՀՐԱՊԱՐԱՎԵՑ ԿԱՐԿԱՆԻՇԱՅԻՆ ՆՈՐ ԱՂՅՈՒՍԱԿԸ

Ֆուտբոլի միջազգային ֆեդերացիան (ՖԻՖԱ) հրապարակեց ընթացիկ տարվա ազգային հավաքականների վարկանիշային անդրանիկ աղյուսակը: Ըստ նոր դասակարգման՝ Վրաստանի հավաքականը, նոխորդ աղյուսակի համեմատությամբ, իր դիրքերը զիջել է երկու հորիզոնականով եւ ներկայումս զբաղեցնում է 91-րդ տեղը: Ինչ վերաբերում է Հայաստանի հավաքականին, ապա այն պահպանել է իր տեղը եւ զբաղեցնում է 101-րդ հորիզոնականը:

Աղյուսակը գլխավորում է Բելգիայի հավաքականը, երկրորդ տեղում է Ֆրանսիան, երրորդ հորիզոնականում Բրազիլիան է:

Լավագույն տասնյակում են նաեւ Խորվաթիան, Անգ-

լիան, Պորտուգալիան, Ուրուգվայը, Շվեյցարիան, Իսպանիան եւ Դանիան:

ԸՍԲՇԱՄԱՐՏ. ՏԱՐԲԵՐ ԱՐԺՈՂՈՒԹՅԱՆ ՄԵՂԱՆԵՐ՝ ՄԻՋԱԶԳԱՅԻՆ ՄՐՑԱՇԱՐԻՑ

Թուրքիայում եզրագիծը հատեց հունա-հռոմեական ոճի ըմբշամարտի միջազգային մրցաշարը: Մրցումներին մասնակից Վրաստանի հավաքականը իր ակտիվում գրանցեց տարբեր արժողության վեց մեդալ (մեկ ոսկե, մեկ արծաթե եւ չորս բրոնզե):

Մրցաշարում հաղթող դարձավ Լեւան Քալթարաձեն (63 կգ), Դեմուր Քալթարաձեն (77 կգ) զբաղեցրեց երկրորդ տեղը, իսկ Ջուրաբ Մաճարաշվիլին (55 կգ), Գիորգի Մելիան (97 կգ), Սաչինո Դավիթաիան (67 կգ) եւ Շալվա Խաչիձեն (87 կգ) արժանացան բրոնզե մեդալի:

ՀԱՄԱԳՈՐԾԱԿՑՈՒԹՅՈՒՆ

ՎՐԱՍՏԱՆԻ ՖԵՐՄԵՐՆԵՐԻ ԱՍՈՑԻԱՑԻԱՅԻ ՂԵԿԱՎԱՐ ՆԻՆՈ ԶԱՄԲԱԽԻԾԵԻՆ ԸՆԴՈՒՆԵՑ ԱՄՆ ՆԱԽԱՊԱԶ ԴՈՆԱԿ ԹՐԱՍՓԸ

ԱՄՆ նախագահ Դոնալդ Թրամփը Վաշինգտոնում, Օվալային առանձնասենյակում, ընդունեց Վրաստանի ֆերմերների ասոցիացիայի ղեկավար Նինո Զամբախիձեն եւ աշխարհի տարբեր երկրներից ժամանած լիդեր-կանանց:

Նինո Զամբախիձեն բախտ վիճակվեց Սախտակ տանը ներկա գտնվել Կանանց զարգացման եւ բարգավաճման գլոբալ նախաձեռնության մեկնարկի արարողությանը: Առաջիկա վեց տարիների ընթացքում, այդ ծրագրով օգնություն կցուցաբերվի շուրջ 50 միլիոն կանանց:

- Ես նրանցից մեկն էի, որ համարում էի, որ Վրաստանում կհնդ ապագա չունի: Ինձ համար բեկումնային դարձավ այն պահը, երբ «Հագարանյակի մարտահրավերը» ինձ հնարավորություն ընձեռեց հաղթահարելու այդ արգելափոխը: Իմ գործունեությունը սկսեցի, ունենալով երկու

կով, իսկ հիմա ես Վրաստանի խոշորագույն ֆերմերներից մեկն եմ: Հիմա հասարակությանը աջակցություն են ցուցաբերում ֆինանսների, կրթության մատչելիության, բարեկեցության ապահովման հարցում,- հայտարարեց Նինո Զամբախիձեն եւ հավելեց, որ իր պատմությունը ԱՄՆ-ի եւ Վրաստանի միջեւ սերտ հարաբերությունների հիմնալի օրինակ է:

Նշենք, որ Նինո Զամբախիձեի անունը քաջ ծանոթ է Սանջիտ-Ջավախեթիի եւ Քվենթա Բարթիի ֆերմերներին, ովքեր սերտորեն համագործակցում են նրա հետ:


ՏՐԱՆՍՊՈՐՏ

ՍՏԵՓԱՆԱՅԻՆՆԵՐԻ ԱՄՐԱԿԱՆ ԲԱՅ Է

Վրաստանի տարածաշրջանային զարգացման եւ ենթակառուցվածքի նախարարության ճանապարհային դեպարտամենտի տեղեկատվության համաձայն, փետրվարի 8-ի դրությամբ, Ստեփանմանի-Լարս ավտոճանապարհը բաց է տրանսպորտային բոլոր միջոցների համար:

ՔԻՇՆԱԿԻ ԽՈՍՔ

ՀԵՆՐԻԿ ՄԻՔԱՅԵԼՅԱՆ



Ծանր կորուստ կրեց Ծալկայի մունիցիպալիտետի Ղզլ-քիլիսայի համարային դպրոցը: Կյանքից հեռացավ վաստակաշատ մանկավարժը Հենրիկ Մամիկոնի ՄԻՔԱՅԵԼՅԱՆԸ:

Սրտաբաց անձնավորություն էր Միքայելյանը՝ իր գործընկերների, աշակերտների համար, հոգատար՝ գյուղացիների նկատմամբ ու մարդամոտ:

2003 թվականին, կրթության

Հ.Միքայելյանը ծնվել է 1940 թվականին, սովորել է Ղզլքիլիսայի ութամյա, այնուհետեւ՝ Ղուշչիի միջնակարգ դպրոցում: Ապա ավարտել է Երեւանի Խ.Աբովյանի անվան պետական մանկավարժական ինստիտուտի ֆիզմաթ ֆակուլտետը:

Բանակում ծառայելուց հետո, վերադարձել է Ղզլքիլիսա եւ տեղի դպրոցում միմչեւ իր կյանքի վերջին օրերը, անընդմեջ դասավանդել է ֆիզիկա եւ մաթեմատիկա:

Նախարարության կողմից, նրան շնորհվել է ավագ ուսուցիչ-մեթոդիստի կոչում, իսկ աշխատանքային երկարամյա գործունեության համար՝ պարգևատրվել է մեդալներով, պատվոգրերով, շնորհակալագրերով:

Գնաս բարով, հարգարժան գործընկեր: Որտեղ էլ լինենք, ի լուր աշխարհի, կհայտարարենք, որ մենք քո սաներն ենք, քո գործընկերները, քո հավերժական բարեկամները:

ՂԶԼՔԻԼԻՍԱՅԻ ՀԱՆՐԱՅԻՆ ԴՊՐՈՑԻ ԿՈՆԵԿՏԻՎ

7x7 grid with numbers 1-39 placed in various cells, representing a word search puzzle.

Խ Ա Զ Բ Ա Ռ

ՀՈՐԻԶՈՆՏԱԿԱՆ. 1.Լեռն արկածային գրող: 3.Նահանգ Պատմական Հայաստանում: 6.Աշխատանքի եւ ուժի միավորը: 8.Եռանկյունաչափական ֆունկցիա: 10.Հանրակառուցչի շատ տեղանոց ձիակառք: 11.Քիմիական տարր, հալոգեն: 12.Ազգավների ցեղի թռչուն: 13.Որոշ արաբական երկրների դրամը: 17.Հին հունական դիցուհի, իմաստության եւ կազմակերպված պատերազմի աստվածուհի: 19.Անգլիացի ռոմանտիկ բանաստեղծ: 20.Լուսավորելու մեծ մոմ, ջահ: 21.Նորվեգացի բեւեռախոյզ: 22.Պիտակ, գործարանադրոշմ: 23.Անմիջապես մարմնի վրա հագնելու զգեստ: 25.Հեքիաթի հերոս: 26.Երկսայրի, կարճ կոթով մեծ դանակ: 29.Առասպելական փոքրահասակ մարդուկ: 30.Զրանցույց կամուրջ: 31.Շրջակայքում Վրաստանում: 34.Արքայական ակնակուռ մական: 35.Որեւէ գրվածքից մեջբերված հատված: 37.Ամառի, կաթսայի բռնակ: 38.Գերաններից պատրաստված լաստանավի տեսակ: 39.Սպորտաձև:

ՈՐՊԱՆՍՅԱՆ. 1.Լատվիայի դրամական միավորը: 2.Իտալական լարային երաժշտական գործիք: 3.Կաշվե անկրունկ ոտնաման: 4.Որեւէ գրվածքի սկզբում դրվող թեւավոր խոսք կամ մեջբերում: 5.Վրաստանում քրիստոնեություն տարածած լույս: 6.Մարդու կամ կենդանու սարն: 7.Երկար մազ, վարս: 9.Անկարգ, սրիկա: 10.Ամեն մի օր: 11.Գերմանացի ֆիզիկոս, ջերմաստիճանային սանդղակի հեղինակ: 14.Ֆրանսիացի գրող: 15.Արվեստի եւ գրականության հովանավոր անձ: 16.Հնուն տղամարդու եւ կանանց երկարափեշ հագուստ: 18.Ավտոմեքենայի թափքի տեսակ: 19.Խոշոր եւ պայծառ գիսաստղ: 23.Ռուս գեղանկարիչ: 24.Կահկարասի: 25.Արեգակի մոլորակներից: 27.Քաղաք՝ Մեծ Բրիտանիայում: 28.Քիմիական տարր, իներտ գազ: 32.Դրամ պահելու փոքր տոպրակ: 33.Հեռավորության չափման միավոր: 34.Աֆրիկյան այծյամի տեսակ: 36.Հաստ ցողունով թռու դնելու բանջարեղեն: Կազմեց ԷԼԼԱ ԱԹԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆՏԱԿԱՆ. 1.Աղամաթուղ: 6.Մարկոս: 10.Մոկաց: 11.Կրետե: 12.Ստահոյ: 15.Գանա: 17.Տեկիլա: 18.Իզոլ: 20.Նա: 21.Կարո: 22.Իբսեն: 23.Ոչ: 25.Դեր: 26.Վիզ: 27.Երան: 28.Տո: 30.Դաս: 32.Հանք: 34.Իմ: 37.Եգեթ: 40.Արագ: 42.Աթա: 43.Այս: 44.Նեմրո: 45.Կենաց: 47.Ավան: 48.Անա: 50.Սոսլ: 51.Հորդ: 53.Ատր: 54.Իսահակ: 56.Դոն: 59.Տոննա: 60.Իշատեր: 61.Ցամաք: 62.Ֆրիկ: ՈՐՊԱՆՍՅԱՆ. 1.Ասկանիո: 2.Ավետիս: 3.Արեգունի: 4.Ուն: 5.Ջոքանջ: 6.Մաստ: 7.Ացտեկ: 8.Կահիրե: 9.Սեդա: 13.Ակադեմիա: 14.Ուլրոտ: 16.Ար: 19.Ջելու: 24.Արքիմեդ: 27.Են: 29.Ողիսական: 31.Աղանա: 32.Հեթանոս: 33.Արա: 35.Մնացորդ: 36.Տաբաժուրի: 38.Գարահիսար: 41.Ջենոբ: 46.Աստ: 49.Արատ: 52.Դիոլչի: 53.Ակնոց: 55.Ան: 57.Որքան: 58.Արաս:

Advertisement for VRASTAN press, including contact information: phone 0105, website www.vrastan.ge, and address in Tbilisi, Georgia.